

Tarikh dibaca: 03 Mei 2019M / 27 Syaaban 1440H

KHUTBAH JUMAAAT

Tajuk:

“RAMADHAN YANG DINANTI”

Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR



"RAMADHAN YANG DINANTI"

الْحَمْدُ لِلَّهِ الْقَائِلِ: يَا أَيُّهَا الَّذِينَ إِيمَانُكُمْ كُتِبَ عَلَيْكُمْ
الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ^١
أَشْهُدُ أَن لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهُدُ
أَنَّ مُحَمَّداً عَبْدُهُ وَرَسُولُهُ. اللَّهُمَّ صَلِّ وَسِلِّمْ عَلَى
سَيِّدِنَا مُحَمَّدٍ وَعَلَى آلِهِ وَاصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيُّكُمْ وَإِيَّاهُ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ إِيمَانُكُمْ كُتِبَ عَلَيْكُمْ أَن تَقُولُوا إِنَّمَا حَقُّ تُقَاتِلِهِ مَنْ تَوْتَنَ إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita meningkatkan ketakwaan kita kepada Allah SWT dengan melakukan segala suruhan-Nya dan meninggalkan larangan-Nya. Mudah-mudahan dengan ini kita sentiasa mendapat rahmat dan kebahagiaan di dunia mahu pun akhirat.

Marilah kita bersama-sama menghayati khutbah pada hari ini bertajuk "**RAMADHAN YANG DINANTI.**"

¹ Al-Baqarah : 183.



Muslimin yang dirahmati Allah SWT sekalian,

Apabila kita menjelaki perjalanan hidup salafus soleh terdahulu, enam bulan lebih awal mereka sudah bersedia menanti kedatangan Ramadhan. Dua bulan sebelum Ramadhan, persediaan mereka nampak lebih ketara dengan memperbanyakkan berdoa agar mereka dipertemukan dengan Ramadhan tersebut. Mereka juga membuat persiapan rapi mendekatkan diri kepada Allah SWT dengan amalan-amalan sunat dengan memperbanyakkan bersedekah, membaca al-Quran dan lain-lain lagi. Bagaimana pula dengan kita? Sudahkah melakukan persiapan menyambut Ramadhan?

Bulan Ramadhan merupakan bulan yang sangat agung. Pada bulan ini diwajibkan ke atas semua umat Islam supaya berpuasa. Sebagaimana firman Allah SWT dalam Surah al-Baqarah ayat 183 yang dibaca di awal khutbah ini bermaksud:

"Wahai orang-orang yang beriman! kamu diwajibkan berpuasa sebagaimana diwajibkan atas orang-orang yang dahulu daripada kamu, supaya kamu bertaqwa."

Dalam bulan Ramadhan, pelbagai ganjaran yang luar biasa diberikan kepada umat Islam yang berpuasa dan melaksanakan segala kewajipan. Malah melakukan amalan-amalan sunat juga akan memperolehi ganjaran pahala yang berlipat ganda. Hal ini dijelaskan melalui hadis nabi SAW sebagaimana yang diriwayatkan daripada Abu Hurairah Radhiallahu Anhu bahawa Rasulullah SAW bersabda:

كُلُّ عَمَلٍ ابْنِ آدَمَ يُضَاعِفُ، الْحَسَنَةُ عَشْرُ أَمْثَالِهَا إِلَى سَبْعِمِائَةٍ ضِعْفٍ، قَالَ اللَّهُ عَزَّ وَجَلَّ: إِلَّا



الصَّوْمَ، فَإِنَّهُ لِي، وَأَنَا أَجْزِي بِهِ، يَدْعُ شَهْوَتَهُ
وَطَعَامَهُ مِنْ أَجْلِي.

"Setiap amalan anak Adam dilipat gandakan pahalanya. Satu kebaikan pahalanya menyamai sepuluh hingga tujuh ratus kali ganda. Allah Azza wa Jalla berfirman, kecuali puasa, kerana puasa itu adalah untuk-Ku, dan Akulah yang akan memberi pahalanya, kerana orang berpuasa telah meninggalkan syahwat dan makannya kerana-Ku."

(Riwayat Muslim).

Muslimin yang berbahagia sekalian,

Terdapat beberapa persediaan yang perlu dilakukan oleh umat Islam dalam menyambut kedatangan Ramadhan yang dinanti. Antaranya ialah dengan mempersiapkan kekuatan rohani, jasmani dan juga emosi serta ilmu pengetahuan untuk menghadapi ibadah puasa. Semua perkara ini sangat penting supaya kita dapat melaksanakan ibadah puasa dan ibadah yang lainnya dengan keikhlasan hati dan menepati syarak.

Selain itu, kita hendaklah mempersiapkan diri dengan amal soleh dalam menyambut Ramadhan kerana pintu syurga dibuka seluas-luasnya untuk semua manusia berlumba-lumba melakukan kebaikan.

Hadis daripada Abu Hurairah Radhiyallahu Anhu bahawa Rasulullah SAW bersabda:

إِذَا كَانَ أَوَّلُ لَيْلَةٍ مِنْ شَهْرِ رَمَضَانَ، صُفِّدَتِ
الشَّيَاطِينُ وَمَرَدَةُ الْجِنِّ، وَغُلِقَتْ أَبْوَابُ النَّارِ فَلَمْ



يُفْتَحْ مِنْهَا بَابُ، وَفُتَّحَتْ أَبْوَابُ الْجَنَّةِ فَلَمْ يُغْلِقْ
مِنْهَا بَابُ، وَيُنَادِي مُنَادٍ يَا بَاغِيَ الْخَيْرِ أَقْبِلْ، وَيَا
بَاغِيَ الشَّرِّ أَقْصِرْ، وَلِلَّهِ عُتْقَاءُ مِنَ النَّارِ وَذَلِكَ كُلُّ
لَيْلَةٍ

"Apabila telah datang awal malam bulan Ramadhan, diikatlah syaitan dan jin, ditutup pintu-pintu neraka, tidak ada satu pintu-pintu yang dibuka dan dibukalah pintu-pintu syurga, tidak ada satu pintu yang tertutup, lalu terdengarlah seruan; "Wahai orang yang ingin kebaikan maka lakukanlah, wahai orang yang ingin kejahanan maka kurangilah. Dan di sisi Allah terdapat senarai orang-orang yang dibebaskan dari neraka, dan begitulah terjadi pada setiap malam (Ramadhan)."

(Riwayat al-Tirmizi).

Hadirin yang dikasihi Allah sekalian,

Kita hendaklah sentiasa memperbaharui taubat terutamanya pada saat menanti kedatangan Ramadhan. Hadis daripada Anas bin Malik Radhiallahu Anhu bahawa Nabi Muhammad SAW bersabda:

كُلُّ ابْنِ آدَمَ خَطَّاءٌ وَخَيْرُ الْخَطَّائِينَ التَّوَابُونَ

"Setiap keturunan Adam itu banyak melakukan dosa dan sebaik-baik orang yang berdosa adalah yang bertaubat."

(Riwayat at-Tirmizi).



Selepas kita bertaubat kepada Allah Taala, maka kita dapat menerima kedatangan Ramadhan dengan hati yang bersih dan suci seterusnya mampu melaksanakan ibadah dengan sempurna dan istiqamah. Jadikanlah ibadah yang kita kerjakan berterusan daripada awal sehingga akhir Ramadhan. Bukan semata-mata bersemangat di minggu pertama Ramadhan sahaja.

Lakukan ibadah dengan bersungguh-sungguh dipenuhi dengan rasa keimanan yang tinggi. Hadis daripada Abu Hurairah Radhiallahu Anhu bahawa Rasulullah SAW bersabda:

مَنْ قَامَ رَمَضَانَ إِيمَانًا وَاحْتِسَابًا غُفرَلَهُ مَا تَقَدَّمَ مِنْ ذَنْبٍ

"Sesiapa yang menghidupkan Ramadhan dengan penuh keimanan dan hanya mengharapkan pahala dari Allah, maka akan diampuni dosanya yang telah lalu."

(Riwayat al-Bukhari dan Muslim).

Hadirin Jumaat sekalian,

Marilah sama-sama kita tumpukan perhatian sepenuhnya kepada persoalan-persoalan yang sering ditimbulkan supaya kita dapat menjalani ibadah puasa dengan yakin dan sempurna, antaranya:

1. Bolehkah seseorang itu berniat puasa Ramadhan sekali sahaja untuk sebulan penuh? Jawapannya boleh, iaitu bertaklid kepada Mazhab Maliki dengan syarat diniatkan hanya pada malam pertama Ramadhan sahaja untuk menampung sekiranya terlupa niat pada malam-malam lain.



Walau bagaimanapun niat puasa masih wajib dilakukan pada setiap malam Ramadhan.

2. Apakah hukum puasa seseorang yang tidak mahu bersahur dengan alasan ia mampu berpuasa tanpa sahur?. Puasanya sah tetapi tidak mendapat fadhilat dan barakah bersahur seperti yang dianjurkan oleh Rasulullah SAW.

3. Batalkah puasa seseorang yang menjalani rawatan Hemodialysis (cuci darah)? . Batal, tetapi wajib qada' puasanya jika mampu. Sekiranya ia tidak mampu qada' maka hendaklah ia membayar fidyah.

4. Bolehkah orang yang berpuasa menyediakan atau menjual makanan kepada orang yang tidak berpuasa tanpa uzur?. Tidak boleh dan berdosa, kerana perbuatan itu dikira sebagai bersubahat membantu orang yang melanggar perintah Allah.

5. Bolehkah meneruskan makan sahur jika tiba-tiba terdengar azan subuh ?. Tidak boleh dan mesti berhenti makan sahur, kerana telah mula waktu berpuasa.

6. Berapakah bilangan rakaat Solat Sunat Tarawih menurut Mazhab Syafie ?. Dua puluh (20) rakaat.

7. Adakah batal puasa orang yang menyucuk insulin pada bawah kulit perutnya? Jawapannya tidak batal.

Muslimin yang dirahmati Allah sekalian,

Mengakhiri khutbah Jumaat pada hari ini, marilah kita bersama-sama menghayati beberapa pedoman berikut:



1. Umat Islam hendaklah meyakini bahawa ibadah puasa merupakan kewajipan dan perintah daripada Allah SWT.
2. Umat Islam hendaklah mempersiapkan diri dengan memperbanyakkan amal soleh sebagai persediaan awal untuk mengharungi bulan Ramadhan yang akan datang tidak lama lagi.
3. Umat Islam hendaklah menjadikan bulan Ramadhan sebagai bulan ibadah dengan berlumba-lumba melakukan kebaikan serta memohon keampunan, bukannya pesta makanan yang membawa kepada pembaziran.

أَعُوذُ بِاللَّهِ مِنَ الشَّيْطَنِ الرَّجِيمِ
وَسَارِعُوا إِلَى مَغْفِرَةٍ مِنْ رَبِّكُمْ وَجَنَّةٍ عَرَضْهَا السَّمَاوَاتُ
وَالْأَرْضُ أَعِدَّتْ لِلْمُتَّقِينَ

“Dan segeralah kamu kepada (mengerjakan amal-amal yang baik untuk mendapat) keampunan dari Tuhan kamu, dan (mendapat) syurga yang bidangnya seluas segala langit dan bumi, yang disediakan bagi orang-orang yang bertaqwa;

(ali Imran : 133).



بَارَكَ اللَّهُ لِي وَلَكُمْ فِي الْقُرْآنِ الْعَظِيْمِ، وَنَفَعَنِي
وَإِيَّا كُمْ بِمَا فِيهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ
مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيْمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيْمَ لِي وَلَكُمْ
وَلِسَائِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيْمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّداً عَبْدُهُ وَرَسُولُهُ. أَللَّهُمَّ صَلِّ
وَسِّلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ وَمَنْ تَبَعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيْكُمْ وَإِيَّاهُ
بِتَقْوَى اللَّهِ فَقَدْ فَازَ الْمُتَّقُونَ.

وَقَالَ اللَّهُ تَعَالَى : إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَتَأْمِنُهَا الَّذِينَ ءَامَنُوا صَلَوَاتُهُ وَسَلَامُهُ تَسْلِيمًا.
أَللَّهُمَّ صَلِّ وَسِّلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضِ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

أَللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ



مُجِيبُ الدَّعَوَاتِ وَيَا قَاضِي الْحَاجَاتِ. اللَّهُمَّ أَعِزَّ
الإِسْلَامَ وَالْمُسْلِمِينَ، وَأَهْلِكِ الْكُفَّرَةَ وَالْمُبْتَدِعَةَ
وَالْمُشْرِكَيْنَ وَدَمِرْ أَعْدَاءَكَ أَعْدَاءَ الدِّينِ. وَانصُرْنَا
عَلَى الْقَوْمِ الْكَافِرِيْنَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِاسْمَائِكَ الْحُسْنَى، وَصِفَاتِكَ الْعَظِيمَى، أَنْ
تَحْفَظْ بِعَيْنِ عِنَائِتِكَ الرَّبَّانِيَّةَ، وَحَفْظِ وِقَايَتِكَ
الصَّمَدَانِيَّةَ، جَلَالَةَ مَلِكِنَا الْمُعَظَّمِ، سُلْطَانَ
سلاُغُور، سُلْطَانَ شَرْفِ الدِّينِ ادْرِيسِ شَاهِ الحاجِ
ابنِ المَرْحُومِ سُلْطَانَ صَلَاحِ الدِّينِ عَبْدِ الْعَزِيزِ شَاهِ
الْحَاجِ. اللَّهُمَّ أَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سلاُغُور، تَغْكُو
أَمِيرِ شَاهِ إِبْنِ السُّلْطَانِ شَرْفِ الدِّينِ ادْرِيسِ شَاهِ
الْحَاجِ، فِي أَمْنِ وَصَالَحِ وَعَافِيَةِ بِمَنِّكَ وَكَرَمِكَ يَا
ذَالْجَلَلِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ



لِلْمُوَظَّفِينَ وَالرَّعِيَّةِ وَالْبِلَادِ، وَبِلْغٌ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha Berkuasa, kami bersyukur kehadrat-Mu yang telah mengurniakan rahmat dan keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, peliharalah kami daripada ajaran yang terkeluar daripada Islam seperti Qadyani dan ajaran-ajaran yang difatwakan sesat seperti Syiah. Ya Allah, Ya Rahman, Ya Rahim, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat dan lindungilah kami daripada bala bencana. Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةً أَعْيُنٍ وَأَجْعَلْنَا لِلْمُتَّقِينَ إِمَامًا. رَبَّنَا إِاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩﴾

فَادْكُرُوا اللَّهَ الْعَظِيمَ يَذْكُرُكُمْ وَاسْكُرُوهُ عَلَى نِعْمَهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
